

Fior' di stella

S'era pisatu lu sole
Quella mane sopra à l'onde
Quandu pianu li ventulelli
Carezzavanu e sponde
Chì lu fischju di l'ocelli
Mi contava duie fole

M'arricordu quellu ghjornu
Le mio pene sò smarite
Ci era in l'aria un incantu
Chì hà guaritu e mio ferite
Si hè schjaritu lu mio cantu
In stu mumentu eternu

In u fiume chì curria
Aghju intesu una voce
Chì parlava d'una stella
Nata per purtà la pace
In core d'una zitella
U so lume risplendia

È issa voce discitava
Ghjuvanotti è vechjaconi
Ribumbava la nutizia
Per li valli è li valloni
Li purtava l'amicizia
È incù fede spurgulava

Chì lu mondu si disceti
Per vede quella zitella
Ch'elli nascinu terzetti
È ancu qualchì paghjella
Stu ghjornu ch'ellu si festi
Oghje hè nata Fior' di Stella

Ps : Per tè surellà.